

詞垣日記

詞垣日記

方蔚自丙戌成進士入翰林忝列清華叨居禁從
文館見人才之盛祕書窺

天祿之臧從容蓬島者七年可謂幸矣癸巳改官御
史間與兒子輩縱談前事厯舉舊游真有如歐陽
公所云顧瞻玉堂如在天上者暇中編爲一卷以
示後人

道光甲午三月奉新帥方蔚子文記

道光六年丙戌

三月初六日

命太子少保

體仁閣大學士蔣公

攸銛

工部尙書陸

公

以莊

爲會試正考官一品銜署工部左侍郎王

公

鼎

署禮部右侍郎湯公

金釗

爲會試副考官

初八日入第一場

欽命四書題人之有技若已有之人之彥聖其心好之
無求備於一人是集義所生者非義襲而取之也

行有不慊於心則餒矣

欽命詩題賦得鶯聲細雨中得聲字五言八韻十一日
入第二場十四日入第三場

四月初十日榜發會元王慶元直隸天津府鹽山
縣人方蔚中式第七十七名本房爲第十二房翰
林院編修李公鈞直隸河間府河間縣人丁丑進
士

十一日考官率會試中式舉人詣

午門謝

恩行三跪九叩首禮

十三日入

保和殿覆試

欽命四書題是君臣父子兄弟去利懷仁義以相接也
欽命詩題賦得首夏猶清和得和字五言八韻

欽取一等第一名吳文鼎浙江嘉興府嘉善縣人方蔚

名在二等第四十六名

按覆試之法始于後漢見後漢書黃瓊傳

二十日

命大學士託公

託津

曹公

振鏞

尙書黃公

鉞

侍郎王公

引之杜公

壻

李公

宗昉

武公

武忠額

副都御史韓

公

鼎晉

爲

殿試讀卷官

二十一日

策試天下貢士王慶元等二百六十五人于

保和殿

策以薦舉訓練文體刑法四事先是二十日讀卷大臣

密擬策題恭呈

欽定後入內閣局門鏤版揭黃鴻臚寺官設黃案一于
保和殿內稍東又設黃案一于丹陛上正中是日平
明內閣官朝服奉題設于

殿內黃案上讀卷官等朝服入至丹陛下稍前立諸
貢士公服由

昭德貞度二門入

單名由
雙名由

昭德門入
貞度門入

中左門
中右門

部官唱名散卷鴻臚寺官引諸貢士由

中左中右二門入至丹陛下稍後立大學士自

殿內黃案上奉

制策出至檐下授禮部堂官禮部堂官跪受興至丹陛

正中跪陳案上行三叩首禮禮畢退鳴贊官在案

旁立讀卷官等聽贊行三跪九叩首禮禮畢趨出

諸貢士亦聽贊行三跪九叩首禮禮畢北面立禮

部官散題紙諸貢士皆跪受已行三叩首禮禮畢

各入

殿內就席對策

二十四日入

午門聽宣是日

車駕自

圓明園入宮讀卷大臣以擬取前十卷恭呈

御覽

欽定名次後啟彌封以次傳宣讀卷大臣帶領十人引

見于

乾清宮方蔚名在第三初讀卷大臣宮保尙書黃公
鉞得方蔚卷異之以爲古茂淵懿近日未有以視
宰相曹公振鏞及同事諸公交口稱譽首列進
呈而方蔚素不善書書法殊遜佗卷至是進

呈前十卷

上詳加披閱以方蔚卷爲第三而擢第九卷朱昌頤爲
狀元昌頤浙江嘉興府海鹽縣人原擬第一名陳方蔚第二名李

秀發第三名賈楨第四名許前軫第五名汪南培
第六名麟魁第七名成觀宣第八名林星章第九
名朱昌頤第十名溫承悌
欽定第一名朱昌頤第二名賈楨第三名帥方蔚第四
名麟魁第五名李秀發第六名許前軫第七名汪
南培第八名成觀宣第九名林星章第十名溫承
悌

二十五日

上御太和殿傳臚

賜第一甲貢士朱昌頤賈楨帥方蔚三人進士及第第
二甲貢士麟魁等一百十人進士出身第三甲貢

士熊炳離等一百五十二人同進士出身儀先一日既引

見前十人讀卷大臣奉卷至紅本房書第一甲第一名以下十名訖奉卷至內閣凡第二甲第三甲卷甲第名次以次畢書啟彌封授填榜官榜兼清漢文中書舍人書鑾儀衛陳鹵簿于

太和殿前陳五輅于

午門外東西鄉樂部和聲署設中和韶樂于

太和殿南檐下設丹陛太樂于

太和門內北鄉皆如儀內閣學士奉榜詣

乾清門請

皇帝之寶鈐已送

寶入仍奉榜出夜漏未盡一刻王貝勒貝子公等文
武官一二品以下及侍班執事各官皆入

朝諸貢士隨入大學士一人立殿外東檐下禮部尙
書一人次之宣制官一人立東樂縣之南皆西面

左都御史一人立殿外西檐下京畿道御史二人
次之講官四人翰林四人給事中御史各四人立
稍後傳臚官立西階上每成一人皆東面東西班
科道各十八人立品級山前皆北面王公百官朝
服序立諸貢士公服在眾官之次皆立儀仗外禮
部鴻臚寺設黃案一于

太和殿內稍東又設黃案一于丹陛正中設雲盤于
丹陛下設龍亭于

午門外內閣學士朝服奉榜置

太和殿內黃案上黎旦禮部尙書入請

上御禮服出禮部尙書前引

午門鳴鐘鼓

乘輿御太和殿中和韶樂作奏隆平之章

其辭曰啟文明五色雲呈

珊網宏開羅俊英梧岡彩鳳雛啗樂終鑾儀衛官

鳴氣如珠河似鏡集賢才于蓬瀛

贊鳴鞭階下鳴靜鞭三丹陛樂作鳴贊贊排班王

以下入八分公以上分左右翼立丹陛上讀卷官

執事官及一二品以下各官趨入至丹墀內就班
鳴贊官贊跪叩興王公百官俱行三跪九叩首禮
禮畢退樂止大學士入詣黃案前奉榜出至東檐
下授禮部尙書禮部尙書跪奉榜興降自中階陳
于丹陛正中黃案上行一跪三叩首禮禮畢退立
東偏鳴贊贊齊班丹陛大樂作奏慶平之章其辭曰賢
關大啟五緯麗祥光九苞彩鳳鳴高岡序班引諸
日華五色舜衣裳濟濟跄跄多士思皇
貢士至品級山南序立贊有

制諸貢士皆跪樂暫止宣制官立丹陛東宣

制曰某年月日策試天下貢士第一甲賜進士及第第二甲賜進士出身第三甲賜同進士出身宣畢傳臚官三人唱第一甲第一名姓名以次接傳凡三傳至丹陛下序班引狀元出班就從六品品級山下跪唱第一名已又唱第一甲第二名姓名者三序班引榜眼出班唱第一甲第三名姓名者三序班引探花出班皆就正七品品級山下跪唱第一

甲巳又唱第二甲第一名某人等若干名第三甲第一名某人等若干名均不引出班各就原班跪丹陛大樂作奏慶平之章鳴贊贊跪叩興諸進士行三跪九叩首禮禮畢樂止鳴贊贊舉榜禮部尙書進就榜案前北面跪奉以興降自中階儀制司官以雲盤承榜導以黃蓋由

太和門

午門中門出禮部尙書及一甲進士隨榜出序班分

引二三甲進士由

昭德門

貞度門左右掖門出禮成鑾儀衛官贊鳴鞭階下鳴

靜鞭三中和韶樂作奏顯平之章

其辭曰海榴舒木槿初榮宣賜

宮衣最有名薰來殿閣微涼生鳳樓梧唐在圓致皇風于昇平

上還宮樂終王公百官皆退朝禮部尙書奉榜至

午門跪置龍亭內行一跪三叩首禮禮畢入校尉昇

龍亭出

御仗批頭前導樂部和聲署導引樂作奏禧平之章其辭

曰賢綱寬整才俊畢登疏附先後一
至人惟聖教澤長多士盈景運開龍虎蒸

東長安門外張榜如儀

前期順天府官設采棚于

東長安門外是日一甲三人既隨榜出兼管順天府
府尹順天府府尹順天府府丞皆朝服迎入采棚
案上設酒爵三及金花采紬一甲三人入順天府
堂官揖授爵一甲三人揖受爵飲簪花披采已一

甲三人出揖順天府堂官揖授輓一甲三人上馬
行順天府官備繖蓋儀從和聲署作樂前導送入
順天府領宴一甲三人至順天府堂檐下下馬順
天府堂官出迎同至露臺詣香案前望

闕謝

恩行三跪九叩首禮禮畢至堂上賓主相見東西鄉互
行四拜禮禮畢啟宴堂上設席六南北鄉一甲三
人三席南鄉順天府堂官三席北鄉順天府堂官

起奉酒兼尹送狀元酒府尹送榜眼酒府丞送探
花酒一甲三人荅送酒已各就席宴畢趨出仍詣
香案前望

闕行一跪三叩首禮禮畢一甲三人揖別上馬順天
府堂官揖送備轎蓋儀從鼓樂以次送鼎甲三人
歸第鼎甲同集狀元第先一日引

見後狀元具簡延各科鼎甲前輩是日狀元大張樂治
具于其第自大學士以下凡由鼎甲起家者咸集

非鼎甲不與鼎甲前輩至新鼎甲行四拜禮前輩
皆荅拜禮畢各就席飲少選榜眼揆花辭別備繖
蓋儀從鼓樂各送歸第如儀

是日順天府差官送

恩賞宴一筵扁一面

二十六日赴禮部領

恩榮宴

欽派內大臣禮部尙書松公松筠主宴是日已刻鼎甲

及諸進士咸集禮部露臺上望

闕設香案堂上設主席大臣席讀卷官席鑾儀衛使
席均在後楣同行又于前楣同行設禮部尙書侍
郎席與主席大臣等席上下相鄉受卷彌封收掌
監試護軍叅領填榜印卷各官席在堂左右供給
官席在露臺左鳴贊序班官席在露臺右相鄉宗
室進士一甲進士席在露臺左二甲一名三甲一
名進士席在一甲進士席西稍後均北鄉諸進士

席在露臺下左二甲右三甲相鄉主席官讀卷官
鑾儀衛使禮部
尚書侍郎每員各上席一受卷彌封收掌監試護
軍叅領填榜印卷供給鳴贊序班等官每二員共
中席一宗室進士一甲進士二三甲一名進士
士每人各中席一諸進士每二人各中席一主席
官等皆朝服赴部禮部堂官出迎屆時鴻臚鳴
贊引主席等官暨一甲進士及二三甲進士同詣
香案前望

闕謝

恩贊排班贊行三跪九叩首禮禮畢主席等官升堂立

精膳司官視席儀制司官簪花已和聲署樂作序
班官引一甲進士至堂檐下東鄉立諸進士序立
於後謁主席官讀卷官鑾儀衛使禮部堂官等皆
行四拜禮主席官等皆荅揖謁執事官等皆行再
拜禮執事官等皆荅揖禮畢主席官出立堂檐下
光祿寺官執爵注酒主席官受爵揖舉酒酌地如
是者三光祿寺官注酒以授主席官主席官以次
授一甲三人一甲三人受爵揖立飲皆卒三爵每

揖主席官皆荅揖禮畢各就席啟宴和聲署升歌

啟天門之章

其辭曰啟天門日麗黃金榜趁驂騑緩步青雲上論聖賢事業無涯量況

生平溫飽何曾望念鯁生叨渥澤天來廣雖持寸

草心莫報君恩蕩涓埃矢竭酬天貺玳筵內金

壺玉絳月臺上絲竹鏗鏘繼自光祿寺官行酒供

今木天清敞增岱巖不辭土壤

饌如儀宴終各官出席率諸進士同詣香案前望

闕行一跪三叩首禮禮畢眾官退諸進士皆隨出

唐案

賜進士宴于曲江亭宋賜進士宴于瓊林苑皆日聞喜宴明賜進士宴于禮部謂之恩榮

國朝因之而口語相沿猶謂之瓊林宴云

二十七日狀元偕諸進士詣

午門前上

表謝

恩是日鴻臚寺官設黃案于

午門外甬道正中序班引狀元及諸進士由

東長安門入至

闕下序立甬道左右東西鄉狀元奉表詣案北面跪
陳于案行三叩首禮禮畢退序班引狀元及諸進

士北面排班立鳴贊贊行三跪九叩首禮禮畢退
禮部官奉表送內閣進

呈

是日領

恩賞表裏各一端

二十八日入

保和殿朝考

按會試覆試
掌之

殿試皆禮部
翰林院掌之

欽命題政在養民論建設義倉義學疏賦得清如玉壺

冰得涵字五言八韻

欽取第一名徐繼畚山西代州五臺縣人

案朝考謂庶常鼎

甲姓名例不入榜

二十九日詣國子監恭謁

先師孔子朝服行三跪九叩首禮禮畢厯觀進士題名碑及石刻十三經更衣至彝倫堂謁祭酒門外行四拜禮祭酒坐受禮畢升堂博士執爵注酒祭酒舉爵揖授鼎甲鼎甲揖受爵飲簪花披采已鼓樂

送出如儀是日至者惟鼎甲三人及滿洲進士三

四人而已舊制新進士至國子監朝服入文廟行釋菜禮禮畢出更衣詣彝倫堂講祭

酒行釋褐禮今儀節亦稍有不同

五月初一日

欽授第一甲第一名進士朱昌頤爲翰林院修撰第二

名進士賈楨第三名進士帥方蔚爲翰林院編修

是日詣

圓明園祇候引

見

初二日

上御出入賢良門內閣翰林院帶領新進士引

見首鼎甲次宗室其餘滿洲蒙古漢軍直隸以下各以

次分班帶領

是日

命協辦大學士禮部尙書汪公廷珍兵部尙書玉公玉

麟教習庶吉士

初四日新進士引

見畢一甲進士前已授職二三甲進士奉

旨分別錄用改翰林院庶吉士者四十七人以進士觀
政六部者三十二人以知縣分發即用者一百二
十五人其餘歸進士班候選者五十八人

初八日領

恩賞坊價銀八十兩

進士坊價銀一甲八十兩二甲三十兩

十六日赴吏部聽候宣

旨望

闕行三跪九叩首禮禮畢赴翰林院上任具朝服謁
先師殿更衣謁

韓文公祠均行禮如常儀

二十一日教習庶吉士汪公玉公上任鼎甲及諸
庶吉士同集翰林院教習至院朝服謁

先師殿更衣謁

韓文公祠均如儀升堂互行四拜禮已就席坐鼎

甲及諸庶吉士晉謁行四拜禮教習皆離席荅揖
禮畢鼎甲及諸庶吉士咸執經前教習朱書署日
其端謂之號書

六月十六日大拜前輩

同鄉前輩及素識館選後各自往拜其餘前輩至是

通行投刺謂之大拜

自是日始至十九日凡四日是日鼎甲

及諸庶吉士咸集庶常館蚤飯已同行及前輩門

各投晚生白全簡三不請見

其師門及姻戚相識前已往謁者是時均

不投帖

凡大拜儀惟大學士雖不由翰林起家新鼎

甲及庶吉士均執弟子禮請見用白全簡故事新

庶吉士謂大學士為閣師凡未散館以前補授大學士協辦大學士者鼎甲庶吉士見之稱之曰老師自稱曰門生初見用光名白全簡三常見用光名白全簡一散館以後還大學士協辦大學士者編檢見之如前輩用年家眷晚生白全簡稱之曰中堂自稱曰晚生未散館以前新鼎甲及庶吉士見掌院學士亦執弟子禮如見大學士散館以後授掌院學士者編檢見之如前輩稱之曰老前輩投刺及自稱均自尙書以下凡由庶吉士授職編與見大學士同

修檢討者大拜投刺如常儀其由庶常散館改佗

曹者不行此禮惟鼎甲已授修撰編修者雖凡翰

林謁前輩皆衣公服攜紅氈二

初見公服攜紅氈常見則否具

白全簡一

照科分淺淺分別署款前輩在十三科以前者款署晚生七科以前者署年家

眷晚生不及七科而未散館以前前輩官至庶子及四品京堂者亦署年家眷晚生其餘不及七科者署年家眷侍生同年及世好姻家署年世姻往時年誼同年晚生侍生世誼姻誼如之近始有署款愚姪者及門投刺升堂藉氈展拜主人荅拜初非其舊矣

行四拜禮

茶畢辭出揖別主人揖送其偁謂偁前常見長揖

輩通曰老前輩自偁則循照科分前輩在七科以前者後輩自偁曰晚生前輩不及七科者後輩自

傳曰學生其前輩由庶常散館改佗曹者初見亦
攜紅氍行禮不論科分品秩具晚生白全簡一年
家眷侍生紅全簡一傳之曰老前輩自傳曰學生
鼎甲授職後散館改官編檢等官由大考及佗事
改官者後輩見之仍循照科分分別傳謂其投謂
署款行禮凡言七科十三科皆合前後輩兩科計
均如常儀
之七科者中間五科十故事前輩與後輩相見傳
三科者中間十一科
後輩曰老先生自傳曰學生大學士掌院學士敦
習庶吉士傳庶常並
曰老先生其見庶常近乃概以兄弟通傳而學生
皆同前輩接後輩儀

之偁專屬後輩往時十三科以上前輩偁後輩曰

館丈詞丈

師于弟子偁年兄亦偁年丈

其有師生之誼而不冝

以師禮自居者亦偁之

教習庶吉士與庶吉士均殿試讀卷朝考閱卷

有師生之誼

今則有誼非師生不及十三科而亦偁後

輩爲館丈詞丈者殊乖舊制矣

故事館選後拜前輩初往其晚生白

全簡三不請見謂之投帖再往始照科分分別偁

晚偁侍用年家眷及年世姻字具白全簡一衣公

服攜紅氈請見謂之求面近乃多于晚生三白簡

外增一分別偁謂白簡初往卽請見行禮則併投

帖求面而

一之矣

按唐宋時先輩特爲進士通稱凡朋友皆稱之李
肇國史補所謂互相推敬謂之先輩也孫光憲北
夢瑣言記王凝語某叨忝文柄今年榜帖全爲司
空先輩一人則且以之稱門生矣東坡與李方叔
書亦稱方叔先輩足下方叔名輩在東坡之後通
後梁紀梁震過江陵高季昌畱之震終身止稱前
進士不受高氏辟署季昌甚重之呼曰先輩胡三
省注唐人呼進士爲先輩至今猶然程大令則前
昌演縣露唐世呼舉人已第者爲先輩今則前
輩專爲先達之稱又師稱弟子曰年兄殊無義理

繆彤傳臚紀事傳榜眼揆花爲年兄蓋猶以之傳
同年今專以之傳門生不知自何時始也

八月二十日前輩荅拜是日起至二十一日凡兩
日鼎甲及庶吉士咸集庶常館前輩公服至館鼎
甲及庶吉士公服迎入前輩設拜褥西鄉後輩設
紅氈東鄉行四拜禮已後輩西鄉前輩東鄉荅行
四拜禮禮畢少坐前輩辭出揖別後輩揖送其不
親荅拜者前輩遣人持年家眷同學愚弟紅全簡

一至館

併還大拜所投三白簡

後輩視其科分還一年家眷

晚生或年家眷侍生白全簡

有年世姻誼者仍用年世姻字謂之

換帖凡荅拜遣館人請前輩科分最深者一人定

期

二十八日具呈乞假歸

九月初四日出都

十月二十九日抵江西

十一月初十日旋里

道光七年丁亥

九月初六日自家啟程北上是日抵會城

十三日僦舟一攜內子胡氏長子汝慤長女及家人使女等凡八人登舟啟行取道杭州蘇州八都十一月十二日抵王家營

十三日僦車發王家營

十二月初三日抵都僦居宣武門外南橫街

十六日呈請銷假入院供職

道光八年戊子

三月二十九日入

乾清宮考試試差

欽命題友直友諒威儀抑抑德音秩秩賦得落花水面
皆文章得章字五言八韻

四月初五日起至初七日凡三日吏部帶領考試
試差各員引

見

初六日引

見于

勤政殿

五月初十日逆裔張格爾俘至京師

十一日獻俘于

廟 稷

十二日

上御午門受俘禮成奉

旨在京文武大小官員俱著加恩賞加一級欽此

七月初六日禮部題請

欽簡山東山西河南鄉試考官

初八日紅本發出奉

旨山東正考官著何彤然去副考官著帥方蔚去欽此

何公廣西平樂人乙丑
進士時官國子監祭酒

初九日詣

午門前聽候宣

旨謝

恩行三跪九叩首禮

常服挂朝珠行禮如遇朔望及三八五十等日則衣公服

十二日領

恩賞程費銀二百兩

十九日乘驛出都

與何公同行

八月初四日抵山東

初五日總理場務山東布政司鍾

鍾祥

按察司李

文耕 提調鹽運司王定柱 監試督糧道魯垂紳等

差官送請赴八簾宴公啟

初六日已刻布政司鍾 等差官持帖三速赴入

簾宴朝服出至山東巡撫署監臨巡撫琦琦善偕

學政龔守正率眾官朝服出迎升堂列坐席端茶

罷同詣香案前望

闕謝

恩行三跪九叩首禮禮畢各就席堂上兩主考巡撫學政席南鄉堂左右司

道等官席 啟宴大合樂執事官行酒供饌如儀酒
東西鄉

三巡起辭與正主考何公同入貢院監臨提調監
試及內簾監試收掌房考官等以次畢入

布政司差官送

恩賞宴一筵采帛四端塗金栴盤一具花一對

內簾官畢入後扃門與何公衣公服坐聚奎堂籤
分各房官

初八日刻第一場題四書題三擇可勞而勞之又

誰怨欲仁而得仁又焉貪故爲政在人詩云畏天之威于時保之賦得百川學海得川字五言八韻
十一日刻第二場題五經題各一

十二日申刻至公堂送入第一場硃卷與何公衣公服坐聚奎堂籤分如例是後第一場硃卷入皆按數籤分以爲常

十三日卯刻與何公升堂閱卷自是日起每日早坐堂上率各房官公同校閱至日入始散以爲常

十四日刻第三場題策問五道

二十六日卯時次子之憲生

九月初六日揭曉中式舉人六十九名駐防旗籍
舉人一名副榜貢生十三名解元李左賢武定府
利津縣附學生

初八日巳刻布政司鍾 等差官持帖三速赴鹿
鳴宴朝服出至巡撫署巡撫琦 學政龔 率司
道等官朝服出迎升堂列坐席端茶罷詣香案前

望

闕謝

恩行三跪九叩首禮禮畢升堂立諸中式舉人晉謁以
次謁主考監臨學政各行四拜禮又謁提調監試
房考等禮畢各就席啟宴樂作工歌鹿鳴之詩執
事官行酒供饌如儀酒三巡起辭巡撫學政以下
各官及中式舉人等皆起送

布政司差官送

恩賞宴一筵采帛四端塗金栝盤一具花一對

初九日布政司差官送

恩賞程費銀二百兩

十三日自山東啟程回京

時何公畱任山東學政

二十四日抵都赴

圓明園宿翰林院朝房

二十五日寅刻詣

宮門遞摺恭復

恩命

召見于

勤政殿

十一月初八日恭上

聖母恭慈康豫安成皇太后徽號禮成

上御太和殿

頒恩詔于天下內外文武官俱照見任職銜給封方蔚

備員翰林以已官

贈父母

馳贈祖父母均如制

道光九年己丑

四月十八日庶吉士散館是日平明教習庶吉士

玉公王公

戶部尙書王公鼎道光七年七月代汪公教習庶吉士

衣公服率

散館鼎甲

丙戌三人又癸未三年補散館人亦于是年補散館

庶吉士

丙戌四十人又前科

補散館五人

皆衣公服入

圓明園大宮門至橋南謝

恩行三跪九叩首禮禮畢教習退鼎甲及諸庶吉士領

卷八

正大光明殿恭應

御試

欽命題王言如絲賦以動靜須防一念差爲韻賦得窗

中列遠岫得中字五言八韻

欽取一等第一名修撰朱昌頤方蔚名在二等第二十二名

二十二日

上御勤政殿內閣翰林院帶領散館鼎甲庶吉士引

見奉

旨分別錄用鼎甲前已授職者六人庶吉士授編修者
十六人授檢討者二人留庶常館教習者一人以
主事補用者十一人以知縣卽選者十四人歸進
士原班銓選者一人

十一月二十三日亥時第三子汝忱生

道光十年庚寅

三月初六日充

國史館協修官分修食貨志

道光十一年辛卯

四月初九日入

圓明園

正大光明殿考試試差

欽命題夫志氣之帥也氣體之充也夫志至焉氣次焉

各恭爾事齊乃位度乃口賦得水流心不競得心
字五言八韻

十二日起至十四日凡三日吏部帶領考試試差
各員引

見

十三日引

見于

勤政殿

五月初六日

上御出入賢良門吏部帶領翰林院保送御史之編修
汪于泗等十員引

見奉

旨周曰炳朱樽黃爵滋趙光帥方蔚徐寶善俱著記名
以御史用欽此

七月十九日爲長子汝慤娶婦廖氏

同邑舉人景山官學教習

廖公炳
徵女

道光十二年壬辰

四月十五日入

圓明園

正大光明殿考試試差

欽命題胷中正則眸子瞭焉胷中不正則眸子眊焉君子審禮不可誣以姦詐賦得麥秋至得豐字五言八韻

十九日起至二十一日凡三日吏部帶領考試試

差各員引

見

二十日引

見于

勤政殿

六月二十五日署

國史館纂修官

十月二十日爲次子之憲聘婦程氏

新建進士湖南衡州府知

府程公
煥采女

十二月十九日補

國史館纂修官

道光十三年癸巳

二月二十五日吏部帶領 記名以御史用之編
修帥方蔚蔡賡颺周開麒等三員引

見于

勤政殿奉

旨湖廣道漢監察御史員缺著帥方蔚補授欽此

男汝慤校字
之慤

道光二十九年歲在己酉夏四月刻于廬山白鹿洞

先大夫初刻紫雲軒詩艸經義稿館課錄及此日記板皆寄存章江門外癸丑歲粵匪圍城悉遭兵燹迨後復刻板藏于家辛酉之敵屍宅被焚又付一苴丙寅歲三次重刻此卷未經付梓棄置二十餘年莫稽徵索茲用編入清芬集均依舊式不改易焉

光緒十年歲在甲申仲秋月帥之憲謹識